

الاهتمام

اهل القصور اتنى راحة اهل الخيام
والفقر ماعون لا من سل جنبيته
يا صاحبي صاحبك لو طال فيه المقام
على دروب الوصال وخط مرثيته
غلاك ما مر في صدره مرور الكرام
لكن خطاك ايتصادم مع مثاليته
لك غصن تقدير في صدره وعذق احترام
ما ينكر العهد لو ان الضمى بيته
وان كنت تحسب على ضعفه يجيك انهزام
والله لبيتعبك ماشفت انهزاميته
ابشرك تنبض احلامه ووحاله تمام
لوميسم البعد من يقوى على كيته
وليا سمعت بخبر موته وعفت المنام
الله يعينك على فقده قبل ديته

عطالله ممدوح

ما احتاج منك كلام احتاج منك اهتمام
حالاته الحباب في صدقه وعفويته
لوازهرت في ثرى سمعي غصون الكلام
دون اهتمام وموده كنها ميته
نظرة وبسمة تكفي عن كلام الأنام
اللي يبين غلا قلبك وحنيته
لو ان كسر الخواطر مثل كسر العظام
كل جبر خاطره واقضى على نيته
لكن على الملام ولا عليك الملام
يستاهل الجرح من يرضى بهارته
وليا انكر الغصن لأوراقه وطار الحمام
ماعاد يغريه لا لونه ولا فيته
والله لو اني صحاري وانت وصلك غمام
ماني شقوق على شوفه ولا جيته
اللي حطبني بفاسه ما تركني حطام
اشعل هشيم الضلوع بنار وحشيته
ابسأله بعد هذا كيف عينه تنام
ماكل من هو طليق يعيش حرته

